



**AKT - THEMELIMI**  
**(KONTRATE)**

**LSHOQËRISË TREGTARE ME PËRGJEGJËSLTË**

**KUFIZUAR**

**"N D R I Ç I M I" SH. P. K.**

Unë, **Destan GASHI**, i biri i Tahirit, lindur më 1965, në Kukës, banues në Kamëz, Tiranë, në bazë të legjislacionit shqiptar vendosa:

**Neni 1**

Të themeloj një shoqëri tregtare me përgjegjësi të kufizuar e emëruar "**N D R I Ç I M I**", për të ushtruar veprimtarinë ekonomike me **Ortak të Vetëm Z. Destan GASHI** :

**Neni 2**

Shoqëria do të jetë e formës së Shoqërive tregtare me përgjegjësi të kufizuar dhe përballon humbjet deri në kufirin e vlerës së derdhur në kapitalin themelor.

**Neni 3**


Shoqëria ka selinë e saj në **Rr. Bicaj, ish Hotel "Parku" Kukës**. Ajo ka të drejtë të krijojë brenda dhe jashtë territorit të Republikës së Shqipërisë filiale, agjensi, përfaqësi, seli sekondare dhe t'i suprimijë ato.

**Neni 4**

Shoqëria do të ketë kohëzgjatje me një kufi të pacaktuar e mbi 10 vjet. Ajo mund të shpërbëhet në çdo kohë me vendim të Ortakut të Vetëm.

**Neni 5**

Kapitali fillestar themelor i Shoqërisë do të jetë **100 000 (njëqindmijë)** lekë, kapital i cili është i formuar tërësisht nga Ortaku i Vetëm themelues i saj.



#### **Neni 6**

Në librin e llogarisë që do të krijohet në Shoqërinë Tregtare do të shënohet dhe kapitali i derdhur nga Ortaku.

Rritja e kapitalit të Ortakut nuk është e kufizuar.

#### **Neni 7**

Të gjitha pjesët e kapitalit themelor janë tërësisht të shlyeshme dhe të nënshkrueshme nga Ortaku i Vetëm i Shoqërisë.

#### **Neni 8**

**Objekti** i aktivitetit ekonomik të shoqërisë do jetë :

- Import-eksport, shitblerje me shumicë dhe pakicë të artikujve të ndryshëm të të gjitha llojeve si :
- Përmirësime pyjore, prerje, përpunim dhe tregëtim lënde drusore.
- Tregëtim plehrash e prodhimesh të tjera kimike
- Tregëtim bimësh etero-vajore
- Punime druri, tregëtime prodhimesh të ndryshme druri e plastike, mobilje, orendi, dritare etj.
- Mbarështrimin e pyjeve
- Sistemime malore.
- Shfrytëzimin e pyjeve.
- Rrugët pyjore.
- Mbarështrimin e florës spontane mjekësore e tanifere.
- Mbrojtjen nga sëmundjet, dëmtuesit dhe zjarret.
- Mbarështrimin e kullotave dhe livadheve
- Ndërtimin dhe meremetimin e veprave për sigurimin e ujit të pijshëm në kullota e livadhe.

#### **Neni 9**

Marrëdhëniet e punësimit në Shoqëri do të rregullohen nëpërmjet Kontratës së Punësimit që lidhet midis palëve, në mbështetje të Ligjit 7961, datë 12.07.1995, (Kodit të Punës), si dhe akteve të tjera Nënligjore të dala në zbatim të tij.

#### **Neni 10**

Ortaku i Vetëm nuk kufizohet në rritjen e kapitalit të Shoqërisë.

#### **Neni 11**

Shoqëria vepron në rregjimin e pronës private dhe merr përsipër të drejta dhe detyrime vetëm brenda kufirit të kapitalit të saj. Ortaku i Vetëm themekues mbart rrezikun e veprimtarisë së Shoqërisë vetëm në nivelin e kapitalit të investuar në Shoqëri

#### **Neni 12**

Mosmarrëveshjet që mund të lindin gjatë ushtrimit të veprimtarisë private të Shoqërisë, midis punonjësve brenda saj, si dhe me të tretët, kur ato nuk mund të zgjidhen me mirëkuptim, çështja mbetet në kompetencë të Gjykatës së Rrethit të Tiranës, ku do të jetë dhe regjistri tregtar i saj.

#### **Neni 13**

Shoqëria do të ketë vulën e saj ku janë përcaktuar dhe inicialet e emërtimit të saj.

#### **Neni 14**

Pasuria e Shoqërisë mund të sigurohet pranë Institutit të Sigurimeve Shoqërore.



**Artikulli 15**

Organet e Shoqërisë "NDRIÇIMI" Sh. P. k. janë ;

- Ortaku i Vetëm i Shoqërisë.
- Administratori i Shoqërisë.
- Modalitetet e formimit dhe funksionimit të tyre do të përcaktohen në Statutin e Shoqërisë.

Administratori i Shoqërisë do të jetë Ortaku i Vetëm **Z. Destan GASHI**.

Modalitete për ndryshimin e administratorit si dhe kompetencat e ti rregullohen nga Statuti i Shoqërisë dhe Ligji Nr. 7638, datë 19.11.1992 "Për Shoqëritë Tregtare".

Ky Akt-Themelimi është përpiluar në katër kopie me vlerë të njëjtë me origjinalin.

Tiranë, më 10.01.2000

**T H E M E L U E S**

**Destan GASHI**



## STATUTI

### ISHOQËRISË TREGTARE ME PËRGJEGJËSI TË

### KUFIZUAR

### "N D R I Ç I M I" S H . P . K .

Shoqëria "N D R I Ç I M I" është krijuar mbi bazën e Akt-Themelimit të Ortakut të Vetëm Destan GASHI, i biri i Tahirit, lindur më 06.03.1965, në Kukës, banues në Kamëz, për të zhvilluar aktivitet tregtar në fusha të ndryshme, e cila ka vendosur të përpilojë këtë Statut si më poshtë :

#### Neni 1

#### EMËRTIMI

Shoqëria është quajtur "N D R I Ç I M I" Sh. P. k.

Ajo është një person juridik Shqiptar, e cila do të ushtrojë aktivitet privat në të gjithë territorin e Republikës së Shqipërisë pas Rregjistrimit në Rregjistrin Tregtar pranë Gjykatës së Rrethit Tiranë.

Shoqëria "N D R I Ç I M I" zhvillon aktivitetin e saj në përputhje me legjislacionin Shqiptar dhe me aktet e themelimit të saj (Akt-Themelimi dhe Statuti).

Ortaku i Vetem themelues në këtë sipërmarrje ka derdhur kapitalin e saj, me qëllim që të përfitoj të ardhura, që mund të vijnë nga ushtrimi i veprimtarisë private, si dhe të përballoj humbjet deri në kufirin e vlerës së derdhur në kapitalin themelor.

#### Neni 2

#### OBJEKTI

Objekti, i aktivitetit ekonomik i shoqërisë do të jetë :

- Import-eksport, shitblerje me shumicë dhe pakicë të artikujve të ndryshëm të të gjitha llojeve si :
- Përmirësime pyjore, prerje, përpunim dhe tregëtim lënde drusore.
- Tregëtim plehrash e prodhimesh të tjera kimike
- Tregëtim bimësh etero-vajore
- Punime druri, tregëtime prodhimesh të ndryshme druri e plastike, mobilje, orendi, dritare etj.
- Mbarështrimin e pyjeve
- Sistemime malore.
- Shfrytëzimin e pyjeve.
- Rrugët pyjore.
- Mbarështrimin e florës spontane mjekësore e tanifere.
- Mbrojtjen nga sëmundjet, dëmtuesit dhe zjarret.
- Mbarështrimin e kullotave dhe livadheve

Ndërtimin dhe meremetimin e veprave për sigurimin e ujit të pijshëm në kullota e livadhe.

**Neni 3**

Për kryerjen e veprimtarisë së saj Shoqëria do të hapi agjensi grumbulluese, përpunuese, shërbimi dhe tregëtimi, duke bashkëpunuar me persona fizikë ose juridikë, vendas ose të huaj

**Neni 4**

**SELIA**

Shoqëria "N D R I Ç I M I" e ka selinë e saj në Rr. Bicaj, ish Hotel "Parku" Kukës. Ajo ka të drejtë të krijojë brenda dhe jashtë territorit të Republikës së Shqipërisë, degë, filiale, agjensi përfaqësi, si dhe t'i suprimojë ato.

**Neni 5**

**KOHËZGJATJA E SHOQËRISË**

Shoqëria Tregtare Private "N D R I Ç I M I" Sh. P. k. do të ketë një kohëzgjatje të veprimtarisë së saj ekonomike me një kufi të pacaktuar e mbi 10 vjet dhe mund të shpërbëhet në çdo kohë për çfardo shkak.

**Neni 6**

**KAPITALI SHOQËRISË**

Kapitali fillestar i shoqërisë është 100 000 (njëqindmijë lekë), i përbërë nga kuota e Ortakut të Vetëm themelues. Kapitali themeltar i shoqërisë është formuar tërësisht nga themekuesi i saj **Z. Destan GASHI**

**Neni 7**

Pjesët e kapitalit themelor janë plotësisht të transferueshme në rrugë trashëgimie, në rast ndarje pasurore ndërmjet bashkëshortëve, paraardhësve dhe pasardhësve.

Të gjitha pjesët e kapitalit të Shoqërisë mund t'u kalojnë, t'u transferohen personave të tretë që nuk bëjnë pjesë në ortakëri, por gjithmonë me vendim të Ortakut të Vetëm dhe me akt noterial.

Trashëgimtari hyn në Shoqëri me të gjitha të drejtat e Ortakut dhe me të gjitha efektet.

**Neni 8**

Kapitali i Shoqërisë përbëhet nga Kapitali Themelor, dhe të tjera të nevojshme për ushtrimin e veprimtarisë tregtare. Të gjitha pjesët e Kapitalit Themelor janë tërësisht të shlyeshme dhe të nënshkrueshme nga Ortaku i Vetëm i Shoqërisë.

**Neni 9**

Fitimi i realizuar nga ushtrimi i veprimtarisë ekonomike të Shoqërisë do të administrohet nga Ortaku i Vetëm. Nje pjesë e këtij fitimi mund të përdoret për zgjerimin e aktivitetit tregtar. Shoqëria është e detyruar të shlyejë të gjitha detyrimet që ka ndaj shtetit dhe të tretëve.

**Neni 10**

**ORGANIZIMI DHE ADMINISTRIMI I SHOQËRISË**

Organi vendimor janë vendimet e Ortakut të Vetëm që zëvendëson Asamblenë e Ortakëve.

Ortaku i Vetëm ka të gjitha të drejtat që ka Asambleja e Ortakëve.

Ortaku i Vetëm vendos për çështje të tilla si:

- shkarkimin e ekspertëve kontabël të autorizuar dhe likuiduesve;
  - miratimi i raporteve të administrimit dhe kontrollit; ndryshimet në statut;
  - miratimin e llogarive; veprimtarinë e Shoqërisë apo likuidimin e saj;
  - zvogëlimi i Kapitalit Themelor ose zmadhimi i tij;
  - transferimi i pjesëve të Kapitalit Themelor tek të tretët;
  - ndryshimi i vendqëndrimit të Shoqërisë.
- shndërrimi i Shoqërisë në një formë tjetër, në një nga format e parashikuara nga Ligja.

**Neni 11**

Ortaku i Vetëm i bën mbledhjet e zakonshme çdo vit, brenda katër muajve nga mbyllja e veprimtarisë ekonomike të Shoqërisë.

**Neni 12**

**ADMINISTRATORI**

Administratori qëndron në detyrë për një periudhë tre vjeçare.

Mandati i tij mund të jetë i rinovueshëm. Ortaku gëzon të drejtën të shkarkojë nga detyra në çdo kohë administratrin dhe të emërojë një tjetër në vend të tij.

Administratori mundet, në çdo moment, të emërojë një zëvendës, ta revokojë dhe të emërojë një tjetër në vend të tij. Administratori ka këto kompetenca :

- Përcaktimin e orientimeve të programit dhe buxhetit.
- Aprovimin e planeve dhe llogarive ekonomike pas përpunimit të tyre në bazë të objektit të aktivitetit të Shoqërisë.

**Neni 13**

**VITI FINACIAR, LLOGARITË VJETORE  
DHE REZERVA E DOMOSDOSHME**

Cdo vit financiar fillon më 1 janar të çdo viti dhe përfundon më 1 dhjetor, me përjashtim të vitit të parë, ku si fillim është data e regjistrimit të Shoqërisë.

**Neni 14**

Llogaritë vjetore, inventaret, raportet mbi operacionet e vitit financiar dhe raportet e veçanta të hartuara nga administratorët, apo nga ekspertët kontabël, miratohen nga Ortaku i Vetëm. Miratimi i dokumentave financiare vjetore bëhet brenda një afati 3-mujor, të mbylles së vitit financiar.

**Neni 15**

Mbas mbarimit të llogarive vjetore dhe vërtetimit të ekzistencës së fitimit, por mund të krijojë edhe fonde të tjera.

Shoqëria përgjigjet për kontributin fiskal, afatet e derdhjes së sigurimeve shoqërore etj. Ajo ka të drejtë të çeli llogari likuiduese pranë bankave të vendit dhe të kryejë veprime likuidimi me to.

## **Neni 16**

# **MARRËDHENIET E PUNËSIMIT DHE LIDHJA E KONTRATAVE**

Marrëdhëniet e punësimit brenda Shoqërisë rregullohen nëpërmjet kontratës së punësimit, që lidhet minid palëve në përputhje me Ligjin Nr. 7961 datë 12.07.1995 (Kodi i Punës), si dhe legjislacionit tjetër shqiptar që bën fjalë për punësimin.

## **Neni 17**

Marrja në punë bëhet me regjistrimin nga punëdhënësi në Librin e Punës së Shoqërisë si dhe duke njoftuar organet e punës të juridiksionit ku ushtron veprimtarinë Shoqëria.

## **Neni 18**

Largimi nga puna bëhet me mbarimin e Kontratës së Punës, për shkelje disiplinore, ose me vetë kërkesën e të interesuarit. Largimi nga Shoqëria bëhet pasi janë shlyer të gjitha detyrimet materiale dhe monetare. Ndryshimi dhe largimi nga vendi i punës bëhet në bazë të një akti me shkrim të lëshuar nga Ortaku i Vetëm themelues.

## **Neni 19**

Shoqëria mund të lidhi kontrata me sektorë shtetërorë, si edhe me persona fizikë dhe juridikë, vendas osë të huaj.

Në veprimet kontraktuale Shoqëria përfaqësohet nga Ortaku i Vetëm i saj, ose nga një person tjetër i autorizuar prej tij me prokurë.

Të drejtat dhe detyrimet që rrjedhin nga kontratat janë të detyrueshme për Shoqërinë.

## **Neni 20**

Shoqëria hyn në procesin e likuidimit që në momentin e prishjes së saj. Për kryerjen e këtij procesi emërohen një ose disa likuidatorë të cilët ndjekin operacionet e likuidimit deri në fund dhe i paraqesin Ortakut të Vetëm dhe administratorit rezultatet përfundimtare të likuidimit. Në përfundim Ortaku i vetem vendos për heqjen e mandatit të tyre. Ortaku i Vetëm dhe administratori merr përsipër për të shlyer me kapitalin e tij të gjitha detyrimet që dalin nga likuidimi.

## **Neni 21**

Të gjitha mosmarrëveshjet që mund të lindin gjatë ushtrimit të veprimtarisë së Shoqërisë, kur ato nuk mund të zgjidhen me mirëkuptim, do të kalojnë në kompetencë të Gjykatës së Rrethit Tiranë.

## **Neni 22**

Transferimi i Shoqërisë nga një formë në një tjetër bëhet me vendim të Ortakut të Vetëm, kur plotësohen kushtet për krijimin e shoqërivë të llojeve të tjera.

## **Neni 23**

Themeluesi i Shoqërisë mund të bëjë ndryshime e plotësime në çdo kohë në Statutin dhe në Akt-Themelimin pa rënë ndesh në mënyrë thelbësore, në nenet e përshkruara në këtë Statut.

**Neni 24**

Çështjet e tjera që nuk janë trajtuar në këtë Statut, gjithshka i referohet Ligjit Nr. 7638, datë 19.11.1992, Ligjit Nr. 7667, datë 28.01.1993, si dhe legjislacionit shqiptar në fuqi, si dhe akteve të tjera ligjore dhe nënligjore të dala në zbatim të tyre.

**Neni 25**

Ky Statut është përpiluar dhe firmosur në katër koipje në vlerë të njëjtë me origjinalin.

Tiranë, më \_\_\_\_\_ 2000

**ORTAKU I VETËM THEMELUES**

**Destan GASHI**

